



**FAKULTET
POLITIČKIH
NAUKA**

A Skenderija 72, 71000 Sarajevo, BiH

M dekanat@fpn.unsa.ba

W www.fpn.unsa.ba

T +387 33 203 562

F +387 33 666 884

INFORMACIJA

**O OSTVARENIM PRIHODIMA I PRIMICIMA,
RASHODIMA I IZDACIMA
ZA PERIOD 01. 01. do 31. 12. 2019. godine**

Sarajevo, februar 2020. godine

INFORMACIJA
O OSTVARENIM PRIHODIMA I PRIMICIMA, RASHODIMA I IZDACIMA
ZA PERIOD 01. 01. do 31. 12. 2019. GODINE

1. UVODNI DIO

Fakultet političkih nauka Univerziteta u Sarajevu osnovan je 1961. godine na osnovu Uredbe Vlade NRBiH, sa sjedištem u Sarajevu u ulici Skenderija 70 u prostorijama Visoke političke škole. U svom periodu postojanja i rada doživio je više statusnih promjena, a poslednja statusna promjena izvršena je 5.5.2003. godine. Dana 5.5. 2003. godine Kantonalni sud u Sarajevu donio je rješenje broj:UF/I-741/03 o promjeni osnivača Fakulteta, dopuni i usklađivanju djelatnosti sa OSKD

DJELATNOST FAKULTETA JE:

- visoko obrazovanje, (I, II i III ciklus studija)
- istraživački poslovi,
- izdavanje i štampanje knjiga i časopisa,

Osnivač i vlasnik Fakulteta političkih nauka je Kanton Sarajevo.

Institucionalno upravljanje na Fakultetu

DEKANAT:

- Dekan Fakulteta: Prof. dr. Sead Turčalo
- Prodekan za nastavu: Prof. dr. Elvis Fejzić
- Prodekan za nauku: Doc. dr. Mirza Emirhafizović
- Prodekan za međunarodnu saradnju: Prof.dr. Sanela Bašić
- Sekretar: Umihana Salčin, MA pravnih nauka

Formirano Vijeće Fakulteta koje čine svi nastavnici, predstavnici saradnika i studenata.

Na osnovu člana 104. Statuta Univerziteta Sarajevo odluke vezane za finansijsko poslovanje Fakulteta se razmatraju i usvajaju na sjednicama vijeća Fakulteta i dostavljaju na Univerzitet.

PROCJENJIVANJE BILANSNIH POZICIJA

Prema Zakonu o računovodstvu i reviziji u Federaciji BiH, Budžetski korisnici nastavljaju da vode svoje računovodstvo i sačinjavaju i podnose svoje finansijske izvještaje u skladu sa dosadašnjim propisima iz ove oblasti a sve do izmjene tih propisa, odnosno objavljivanja i početka primjene posebnih Međunarodnih računovodstvenih standarda za javni sektor.

Računovodstveni iskazi sačinjeni su na osnovu općih načela procjenjivanja bilansnih pozicija utvrđenih u Zakonu o proračunima-budžetima u Federaciji Bosne i Hercegovine, Uredbe o računovodstvu i Pravilnika o knjigovodstvu proračuna-budžeta u Federaciji Bosne i Hercegovine, Zakona o računovodstvu, te Međunarodnih standarda finansijskih izvještavanja (uključujući međunarodne računovodstvene standarde).

Procjena pozicija pasive vršena je na osnovu fer vrijednosti obaveza (MRS 39), dakle uzete su u obzir sve one neizmirene obaveze i u onoj vrijednosti za koje postoji bilo kakva vjerovatnoća da ih se treba izmiriti.

Pri procjenjivanju pozicija aktive u obzir su uzeta samo ona nenaplaćena potraživanja i u onoj visini za koja postoji vjerovatnost da će biti naplaćena odnosno njihova *fer* vrijednost (MRS 39). Sva sumnjiva i sporna potraživanja su isknižena u vanbilansnu evidenciju, saglasno Uputstvu Federalnog ministra finansija o izvršavanju budžeta sa JRT ("Sl. novine Federacije BiH", br. 43/02).

Stalna i privremena materijalna sredstva

Stalna i privremena materijalna sredstva iskazani su u bilansu po trošku nabavke. Nabavnu vrijednost imovine saglasno odredbi Člana 71. stav 2. Pravilnika o knjigovodstvu budžeta-proračuna u FBiH te odredbi člana 22. Uredbe o računovodstvu proračuna-budžeta, čini kupovna cijena (faktorna cijena) uvećana za carine, porez na promet, izdatke za prijevoz i sve druge izdatke koji se tiču konkretne nabavke.

Trošak nabavke uključuje sve direktne troškove u vezi dovođenja sredstva u radno stanje za namjeravanu upotrebu. Nabavka imovine kapitalizira se ako je procijenjeni vijek korištenja veći od jedne godine i trošak individualnog dobra veći od 250,00 KM. Imovina čija je pojedinačna vrijednost u trenutku nabavke niža od 250,00 KM svrstava se u sitan inventar i otpisuje jednokratno, neovisno od vijeka trajanja.

Knjiženje ispravke vrijednosti stalne imovine u obliku stvari i prava vršeno je indirektnom metodom na teret izvora sredstava.

Amortizacija stalnih sredstava obračunava se od početka njihovog korištenja, linearnom metodom otpisa primjenom godišnjih stopa utvrđenih u Nomenklaturi stalnih sredstava. Nomenklature sredstava za amortizaciju, objavljena u "Službenim novinama Federacije BiH", broj 2/95 u sklopu ranijeg RS 13., a preuzeta je Odlukom Upravnog odbora Zavoda za računovodstvo i reviziju Federacije BiH ("Službene novine FBiH", broj 45/99). Prema Pravilniku o knjigovodstvu budžeta, stope amortizacije (ispravke vrijednosti) stalnih sredstava predviđene ovom Nomenklaturom su i dalje obavezne za budžetske korisnike. Vrijednost sredstava prema MRS 16. se preispituje periodično u smislu korekcije i određivanja fer vrijednosti sredstva. Osnovica za otpis imovine u obliku stvari jeste nabavna, odnosno revalorizovana (historijska) fer vrijednost dugotrajne imovine. Amortizacija se obračunava za svu imovinu sve dok ista nije potpuno amortizovana. Troškovi investicionog i tekućeg održavanja terete prihode razdoblja u kojem su nastali. Rekonstrukcije i adaptacije kojima se mijenja kapacitet ili namjena materijalne imovine iskazuje se kao povećanje vrijednosti materijalne imovine.

Zalihe materijala inventara i robe

Zalihe materijala su iskazane po cijeni troška nabavke.

Materijal i sitan inventar saglasno odredbi člana 27.Pravilnika o knjigovodstvu budžeta-proračuna stavlja se neposredno na rashode prilikom njihove nabavke, a evidencija u okviru klase 2. vrši se samo u cilju nadzora nad njihovom upotrebom. Za neutrošeni materijal, na kraju godine vrši se ispravka zaliha za iznos utvrđen popisom.

Rezerviranje

Rezerviranja se priznaju ako postoji sadašnja pravna ili izvedena obaveza kao posljedica događaja iz prošlog razdoblja i ako je vjerovatno da će biti potreban odliv sredstava, te ako se može pouzdano procijeniti iznos obaveze.

Priznavanje prihoda

Prema računovodstvenom načelu modificiranog nastanka događaja prihodi se priznaju u računovodstvenom razdoblju u kojem su mjerljivi i raspoloživi. Navedeni način priznavanja prihoda proizilazi iz odredbi Zakona o proračunima-budžetima (član 21 Uredbe) i Pravilnika o knjigovodstvu budžeta-proračuna u FBiH (član 48 stav 2.Pravilnika).

Saglasno navedenim odredbama priznaju se prihodi:

1. Prihodi iz budžeta u periodu u kome su naplaćeni odnosno u periodu doznake iz budžeta.
2. Vlastiti prihodi u periodu u kome su ostvareni ali i naplaćeni,
3. Unaprijed naplaćeni prihodi priznaju se u periodu na koji se odnose, tj. u periodu u kom će biti ostvareni i učinci po osnovu unaprijed naplaćenih prihoda. To znači da se unaprijed naplaćeni prihodi početno evidentiraju kao razgraničeni naplaćeni prihodi budućeg perioda, a prijenos (preknjiženje) istih na konto prihoda vrši se:
 - na osnovu ispostavljene fakture o izvršenom poslu za prihode naplaćene po osnovu pružanja usluga,

Priznavanje rashoda vrši se u skladu sa računovodstvenim načelom modificiranog nastanka događaja. Prema ovom načelu svi rashodi se priznaju, knjiže i iskazuju u finansijskim izvještajima u onom obračunskom periodu u kom su i nastali, odnosno u periodu u kojem je nastala obaveza plaćanja.

2. 8. Prema odredbi člana 2.stav 1. pod n) Zakona o trezoru modificirano načelo obračunavanja neplaćenih obaveza podrazumjeva metode obračunavanja obaveza koji priznaju transakcije i aktivnosti u momentu stvaranja, transformacije, razmjene prijenosa ili nastanka ekonomske vrijednosti i kada se evidentiraju svi ekonomski troškovi (ne samo gotovinske transakcije). Po određenim metodama obračunavanja neplaćenih obaveza, fizička imovina treba biti rasknjižena u momentu nabavke.

PREGLED RASHODA I IZDATAKA ZA 2019. GODU

Broj konta	Opis	Izmjene i dopune budžeta za 2019. godinu	U obračunskom periodu tekuće godine	U istom periodu prethodne godine	Procenat izvršenja budžeta	Procenat u odnosu na prethodnu godinu
600000	I RASHODI	5.786.699	5.160.746	4.304.380	89,18	119,90
	A. Tekući rashodi	5.786.699	5.160.746	4.304.380	89,18	119,90
611000	Plaće i naknade troškova zaposlenih (4+5)	4.495.444	4.106.360	3.327.585	91,34	123,40
611100	Bruto plaće i naknade	4.184.057	3.844.039	3.054.356	91,87	125,85
611200	Naknade troškova zaposlenih i skupštinskih zastupnika	311.387	262.321	273.229	84,24	96,01
612000	Doprinosi poslodavca i ostali doprinosi	461.955	404.537	320.708	87,57	126,14
613000	Izdaci za materijal, sitni inventar i usluge	829.260	641.270	647.267	77,33	99,07
613100	Putni troškovi	20.000	220	5.354	1,10	4,11
613200	Izdaci za energiju	175.000	157.481	162.066	89,99	97,17
613300	Izdaci za komunikaciju i komunalne usluge	60.000	50.362	56.018	83,94	89,90
613400	Nabavka materijala i sitnog inventara	35.000	27.461	38.107	78,46	72,06
613500	Izdaci za usluge prevoza i goriva	8.000	4.266	2.307	53,33	184,92
613600	Unajmljivane imovine, opreme i nematerijalne imovine	8.000	2.417	1.951	30,21	123,89
613700	Izdaci za tekuće održavanje	34.300	10.811	4.618	31,52	234,11
613800	Izdaci osiguranja, bankarskih usluga i usluga platnog prometa	19.000	4.603	11.121	24,23	41,39
613900	Ugovorene i druge posebne usluge	469.960	383.649	365.725	81,63	104,90
614000	Tekući transferi i drugi tekući rashodi(18+.....+25)	8.200	8.579	8.820	104,62	97,27
614100	Tekući transferi drugim nivoima vlasti i fondovima					
614200	Tekući transferi pojedincima	100	7.745	0	7745,00	
614300	Tekući transferi neprofitnim organizacijama	8.000	834	6.320	10,43	13,20
614800	Drugi tekući rashodi	100		2.500	0,00	0,00
	B. KAPITALNI IZDACI (2+9+17)					
821000	Izdaci za nabavku stalnih sredstava	130.000	37.053	54.607	28,50	67,85
821300	Nabavka opreme	70.000	27.989	45.757	39,98	61,17
821500	Nabavka stalnih sredstava u obliku prava	10.000	9.064	8.850	90,64	102,42
821600	Rekonstrukcija i investiciono održavanje	50.000	0	0		
	UKUPNO:	5.924.899	5.197.799	4.358.987	87,73	119,24

U naprijed navedenoj tabeli prikazani su rashodi i izdaci za period 14.02.-31.12.2019. od momenta prelaska Fakulteta političkih nauka na trezorsko poslovanje i komparacija za posljednjim izmjenama i dopunama budžeta Kantona Sarajevo kao i ostvarenim rashodima i izdacima za prethodnu godinu.

Ukupni rashodi ostvareni su u iznosu od 5.197.799,00 KM i veći su za 19,24%, u odnosu na 2018. godinu, a ostvareni su u iznosu od 87,73 % u odnosu na ukupan budžet za 2019. godinu.

Najveći trošak predstavljaju bruto plaće i naknade zaposlenih koje su ostvarene u procentu od 23,40% više u odnosu na 2018. godinu kao rezultat prelaska na trezor i primjene Kolektivnog ugovora za visoko obrazovanje.

Materijalni troškovi su ostvareni u iznosu od 641.270,00 KM što je manje na 0,03 % u odnosu na 2018. godinu, a izvršenje budžeta je 77,33%. Materijalni troškovi su finansirani iz budžeta, vlastitih sredstava i različitih međunarodnih i domaćih projekata.

Za period 14.02.-31.12.2019 ostvareni su prihodi i primici:

- Ostale budžetske naknade (prihodi po različitim osnovama koji idu u budžet Kantona) u iznosu od **1.079.856,00 KM**
- Prihodi od sopstvenih djelatnosti (vlastiti prihodi) u iznosu od **252.012,82 KM**
- Primljeni tekući transferi od međunarodnih organizacija u iznosu od **241.335,64 KM**
- Primljeni tekući transferi od ostalih nivoa vlasti u iznosu od **33.532,24 KM**
- Kapitalni primici ostvari u iznosu od **26.754,76 KM**

Na razgraničene prihode u 2020. godinu je preneseno:

- Vlastiti prihodi u iznosu od **519.762,00 KM**
- Transferi od međunarodnih organizacija u iznosu od **64.938,00 KM**
- Domaći transferi **35.357,00 KM**

Za period **01.01.-14.02.2019.** godine (do momenta prelaska na trezor) ostvareni su ukupni prihodi i rashodi u iznosu od **56.163,90 KM**. Kapitalni primici su ostvareni u iznosu od **8.013,98 KM** i kapitalni izdaci u iznosu od **279,50 KM**.

ZAPOSLENI I PLATE

Analiza troškova zaposlenih

Broj zaposlenih na Fakultetu političkih nauka na dan 31.12.2019. godine se smanjio za 1 radnika u odnosu na stanje na dan 31.12.2018.

U 2019. godini nisu zaposleni je novi radnici, a penzionisana je jedna osoba.

Nastavno osoblje čini 70,45% od ukupnog broja zaposlenih, a nenastavno 29,55%.

Isplaćene plate i naknade zaposlenih u 2018. i 2019. godini iznose:

R.b.	Opis	Oznaka za AOP	U obračunskom periodu tekuće godine	U istom obračunskom periodu prethodne godine
		1	2	3
1	UKUPNO (2+9+14)	901	4.248.575	3.375.065
2	Bruto plaće i naknade plaća (3+4+5)	902	3.844.039	3.054.357
3	Neto plaće i naknade plaća (bez poreza na dohodak)	903	2.427.761	1.940.686
4	Akontacija poreza na dohodak	904	220.723	166.820
5	Doprinosi na teret zaposlenih (6+7+8)	905	1.195.555	946.851
6	Za penzijsko i invalidsko osiguranje	906	655.627	519.241
7	Za zdravstveno osiguranje	907	482.079	381.795
8	Za zapošljavanje	908	57.849	45.815
9	Doprinosi poslodavaca (10+11+12+13)	909	404.536	320.708
10	Za penzijsko i invalidsko osiguranje	910	230.988	183.262
11	Za zdravstveno osiguranje	911	154.265	122.174
12	Za zapošljavanje	912	19.283	15.272
13	Za beneficirani radni staž	913		
14	Ostali doprinosi (na teret penzija i ostali doprinosi)	914		
15	Prosječan broj zaposlenih na osnovu radnih sati (cijeli broj)	915	89	86

Plaće se isplaćuju preko Trezora u skladu sa Kolektivnim ugovorom za djelatnost visokog obrazovanja i u skladu sa važećim pravilnicima i propisima.

Iz naprijed navedenih podataka se vidi da su bruto plaće i naknade troškova zaposlenih ostvarene u 2018. godini u odnosu na isti period 2018. godine veće za 873.510,00 KM ili za 28,88%.

Stope poreza i doprinosa na plaće i iz plaća u 2019. godini nisu se mijenjale u odnosu na 2018. godinu.

Povećanje plaća i naknada uposlenih je rezultat je primjene Kolektivnog ugovorom za djelatnost visokog obrazovanja i prelaska Univerziteta u Sarajevu na trezorsko poslovanje.

Neto plaće zaposlenih na bazi prosječnog broja zaposlenih u 2019. godini ostvarene su u većem iznosu u odnosu na 2018.

Može se zaključiti da je u 2019. godini došlo do povećanja plaća i naknada u odnosu na 2018. godinu. Na dan 31.12.2019. Fakultet je imao 88 uposlenih u radnom odnosu.

INFORMACIJA O PROVEDENOM POPISU

Na Fakultetu je izvršen popis imovine i obaveza sa stanjem na dan 31.12.2019. Popis je završen u zadanom roku, a centralna popisna komisija je dostavila Izvještaj o popisu Univerzitetu u Sarajevu. Komisija za popis stalnih sredstava je izvršila prirodni popis stalnih sredstava, a komisija za popis potraživanja, obaveza i novčanih sredstava je izvršila popis istih na dan 31.12.2018. Pored navedenog izvršen je i popis biblioteke. Na osnovu izvještaja popisne komisije, centralna popisna komisija je sačinila izvještaj i dostavila Univerzitetu. Sačinjen je prijedlog liste za otpis stalnih sredstava, a najveći do se odnosi na dotrajalu tehničku opremu i stari namještaj.

9. ZAKLJUČAK

Iz podataka koji su iskazani u finansijskim izvještajima te na osnovu izvršene analize rezultata poslovanja Fakulteta političkih nauka u Sarajevu za period od 01.01. do 31.12. 2019. godine može se zaključiti sljedeće:

Za period 01.01.-14.02.2019. godine (do momenta prelaska na trezor) ostvareni su ukupni prihodi i rashodi u iznosu od 56.163,90 KM. Kapitalni primici su ostvareni u iznosu od 8.013,98 KM i kapitalni izdaci u iznosu od 279,50 KM.

Ministarstvo finansija Kantona Sarajevo je dana 04.02.2019. godine donijelo „Instrukciju o načinu uplate prihoda koje ostvaruju organizacione jedinice Univerziteta u Sarajevu na depozitni račun Kantona Sarajevo“ broj: 08-03-14-2598/19, kojom su ugašeni svi transakcijski računi Fakulteta dana 14.02.2019. godine. Novčana sredstva Fakulteta su prebačena na Depozitni račun Kantona Sarajevo u iznosu od 631.734,19 KM po osnovu vlastitih prihoda na različitim studijima i po osnovu domaćih i međunarodnih projekata koji se realiziraju na Fakultetu. Od toga dana finansijski promet se vrši preko Depozitnog računa Kantona Sarajevo.

Za period 15.02.-31.12.2019. ostvareni su ukupni rashodi u iznosu od 5.197.799,00 KM i ukupni prihodi u iznosu od 1.606.737,00 KM.

Ostvareni su kapitalni primici u iznosu od 26.754,76 KM i kapitalni izdaci, nabavka opreme (stalnih sredstava) u vrijednosti od 37.053,00 KM

Najveći trošak predstavljaju bruto plaće i naknade zaposlenih koje su ostvarene u procentu od 23,40% više u odnosu na 2018. godinu kao rezultat prelaska na Trezor i primjene Kolektivnog ugovora za visoko obrazovanje. Prosječna neto plaća je iznosila 2.273,00 KM.

Investirano je u tekuće održavanje zgrada i sredstava u vrijednosti od 10.811,32 KM.

U toku 2019. godine realizovan je veći broj različitih naučnih projekata i konferencija (domaćih i inostranih)

Izvršen je popis sredstava i izvora sredstava i izvršeno usaglašavanje sa knjigovodstvenim stanjima.

Broj zaposlenih na dan 31.12.2019. godine je 88 zaposlenika i smanjen je za 1 zaposlenika u odnosu na stanje 31.12.2018. godine.

U odnosu na 2018. godinu ukupni troškovi u 2019. su povećani za 19,20%, a ostvareni su u iznosu od 89,18 % u odnosu na ukupan budžet za 2019. godinu.

Na razgraničene prihode u 2020. godinu su preneseni vlastitih prihodi u iznosu od 519.762,00 KM, transferi od međunarodnih organizacija u iznosu od 64.938,00 KM i domaći transferi 35.357,00 KM

Možemo zaključiti da je Fakultet političkih nauka, u periodu na koji se odnosi ovaj Izvještaj, likvidan, da može izmiriti obaveze prema povjeriocima.

Služba računovodstva

DEKAN

Prof. dr. Sead Turčalo